

სმა
პიხით
სწრაფ
განვითარებას!

41



ქობა ნარჩაიშვილი, ლომიძე მხიპა, ხანალი მარგალიტაშვილი

№19 (758) 19 - 22 ოქტომბერი, 2016

გამოცემის 1995 წლიდან

ფასი: 70 თეთრი

ცესკომ პარლამენტის არჩევნების მეორე ტურისა და განმეორებითი არჩევნების თარიღები გამოაცხადა

მაღალი საზოგადოებრივი ინტერესისა და არჩევნებში ჩართული მხარეების ინფორმირების მიზნით ცენტრალურმა საარჩევნო კომისიამ (ცესკო) განსაზღვრა მეორე ტურების და განმეორებითი არჩევნების თარიღები.

8 ოქტომბრის პარლამენტის არჩევნების მეორე ტურები 50 მაჟორიტარულ საარჩევნო ოლქში 30 ოქტომბრის გაიმართება.

რაც შეეხება განმეორებით კენჭისყრას, 22 ოქტომბერს ჩატარდება. №36 მაჟორიტარული საარჩევნო ოლქის №36.22.48 საარჩევნო უბანზე (მარნეუ-

ლი) გაიმართება პარლამენტის მაჟორიტარული არჩევნები, ხოლო №66 მაჟორიტარული საარჩევნო ოლქის №66.67.38, №66.67.79 და №66.67.108 საარჩევნო უბანზე (ზუგდიდი) - რო-

გორც პარლამენტის მაჟორიტარული, ისე გამგებლის არჩევნები. ცესკო სამართლებრივ აქტებს გამოცემს, შესაბამისი პროცედურების დასრულების შემდეგ.

ქუთაისში ისტორიული შენობა „უპატრონოს“ გაემჩვივნა

გასულ კვირაში ჩვენ ინტერნეტგამოცემა www.psnews.ge-ზე ვწერდით, რომ ქუთაისში, გლაკტიონის ქუჩის ორ ნომერში მდებარე ორსართულიანი შენობა სასწრაფო რეაბილიტაციის საჭიროებდა, რადგან მისი აივნის ჩამოშლის პირას იყო. ასევე დაგვიტყვეს ვინ აგებს პასუხს, ისტორიული შენობა რომ ჩამოინგრეს და მსხვერპლი მოჰყვებოდა?

შენობის პირველ სართულზე განთავსებულია სუპერ-მარკეტი და საცხობი, აქვე მდებარეობს საზოგადოებრივი მოსაცდელიც. მოკლედ აღვლით, სადაც შენობა მდებარეობს, საკმაოდ ხალხმრავალია.

როგორც ერთ-ერთმა მოქალაქემ ჩვენთან საუბარში განაცხადა, ეს შენობა ადრე სახლი იყო და აქ ოჯახი ცხოვრობდა. მისმა ახლანდელმა მფლობელმა კი ის კომერციული მიზნებისათვის შეიძინა. მას სურდა, შენობის გარემონტებოდა, მაგრამ ამის უფლება არ მისცეს, რადგან ეს სახლი წითელ ხიდთან არსებული სხვა შენობების მსგავსად, ქალაქის კულტურული მემკვიდრეობის სიაშია შესული და მისი იერსახის შეცვლა მხოლოდ მერიის შესაბამისი სამსახურის კომპეტენციაა.

მერიამ ეკონომიკის სამინისტროსთან და კერძო მეპატრონესთან გადაგვიამბოვებინა, რადგანაც პირველი სართული ეკონომიკის სამინისტროსია, ხოლო მეორე - კერძო პირისა... ამასთანავე კი, გუშინ უკვე შევიტყვევებ, რომ აივნის ნაწილი ჩამოინგრა და ამჟამად დემონტაჟი

მიმდინარეობს. საბედნიეროდ, აივნის ჩამონგრევას მსხვერპლი არ მოჰყოლია.

რამდენად კანონიერად გაკეთდა დემონტაჟი კულტურული მემკვიდრეობის ძეგლზე და რა ბედი ელის ამ შენობას, ამ საკითხზე კომენტარი ვთხოვეთ ქუთაისის არქიტექტურისა და ზედაშენობების სამსახურის უფროსს, ბატონო ქვიციანი: „ამ შენობის მეორე სართულის აივნის ჩამონგრევის შესახებ ჩემთვის ცნობილი გახდა გუშინ, ნაშუადღევს, თავად მეპატრონისგან. ჩემთვის ცნობილია, რომ რადგან ეს შენობა კულტურული მემკვიდრეობის ძეგლია, მათ გამოიძახეს საპატრულო პოლიცია ფაქტის დასაფიქსირებლად, რომ შემდეგ კანონის შესაბამისად მოეხდინათ დემონტაჟი. ინფორმაციას ასევე მიაწოდებდნენ კულტურული მემკვიდრეობის სააგენტოს.“

აქვე განვიხილავთ, თუ რას ითვალისწინებს კანონი ასეთ ფაქტებთან დაკავშირებით. „პროდუქტის უსაფრთხოებისა და თავისუფალი მიმოქცევის კოდექსის 52-ე მუხლში ნათქვამია, რომ თუ მესაკუთრისთვის ცნობილი გახდა, რომ მისი საკუთრება საფრთხის უქმნის მესამე პირების სიცოცხლის/ჯანმრთელობას, იგი ვალდებულია, მიმართოს შესაბამის ორგანოებს და შემდეგ მისი ვალდებულება, თავისი შესაძლებლობის ფარგლებში მიიღოს უსაფრთხოების ზომები. მესაკუთრეს ამ მუხლით გათვალისწინებული პასუხისმგებლობა დაეკისრება მხოლოდ



„ქ. შოთა“ (ლია ლომიძის ფოტო)

იმ შემთხვევაში, თუ იგი არ განახორციელებს ზემოთაღნიშნულ ღონისძიებებს. პასუხისმგებლობა კი კულტურული მემკვიდრეობის ძეგლის შემთხვევაში - 5000 ლარის ჯარიმია.“

რედაქციისთვის ცნობილი გახდა, რომ ამ შენობის მეორე სართულის მეპატრონე ზელიმხან გიორგაძეა, რომელმაც

ამჟამად თავისი ხარჯებით მოახდინა დემონტაჟი, თუმცა ასევე გვიჩვენებთ კითხვა: მაინცადამაინც უნდა ჩამონგრეულიყო შენობა, რომ მეპატრონეს ეგრძნო ის საშიშროება, რომ მისი საკუთრება სხვას საფრთხის უქმნიდა? მსხვერპლი რომ მოჰყოლოდა, პასუხისმგებლობის ტვირთს როგორ იტვირთავდა? სწორედ

ჩამონგრევამდე ხომ არ უნდა განხორციელებულიყო კანონით გათვალისწინებული ღონისძიებები? ამ და სხვა საკითხებზე, რაც ამ ისტორიულ შენობას უკავშირდება, კვლავ მოგაწვდით ინფორმაციას უახლოეს ნომერებში.

ნათი გუზარაძე, ლია ლომიძის ფოტო

უნივერსიტეტის სტუდენტების პროტესტი ქუთაისში - „ჟურნალისტიკა პროფესიაა და არა - მიმართულება“

აკაკი წერეთლის უნივერსიტეტის ჟურნალისტიკის მიმართულების სტუდენტები, რომლებიც ინტეგრირებული პროგრამით გადიან სასწავლო კურსს, ყოველთვის პროტესტს გამოხატავენ ქუთაისის უნივერსიტეტის მიმართულებაში შემავალ საგნებზე და იმაზე, რომ მათ არ აქვთ მაინორ პროგრამა. ამ მხრივ არც წლებიანდელი თაობის სტუდენტები აღმოჩნდნენ გამონაკლისი.

ჟურნალისტიკის ახალი თაობის წარმომადგენლები რეკტორს შეხვდნენ და მას თავისი მოთხოვნები გააცნეს. სტუდენტები ითხოვენ ჟურნალისტიკის, როგორც სპეციალობის, ცალკე გამოყოფას სოციალური მეცნიერებების ინტეგრირებული პროგრამიდან.

დღევანდელი შეხვედრის დეტალებზე გვესაუბრა აკაკი წერეთლის უნივერსიტეტის ჟურნალისტიკის მიმართულების პირველი კურსის მაგისტრი ვახტანგ კახუხაშვილი, რომელსაც ბაკალავრის ინტეგრირებული პროგრამით აქვს გავლილი. შესაბამისად, აღნიშნულ პრობლემას კარგად იცნობს. ის დღევანდელ შეხვედრასაც ესწრებოდა.

„დღევანდელი შეხვედრის მიზანი ჟურნალისტიკის სპეციალობასთან დაკავშირებული პრობლემების გადაჭრის გზების ძიება იყო. თუმცა, ფაქტია, რომ

ის პრობლემები, რომლებიც 4-5 წლის წინ იყო, ახლაც უცვლელია.

ყველაზე მეტად, რაც ახალი თაობის ჟურნალისტებს ადარდებთ, ეკონომიკისა და პოლიტოლოგიის სალექციო კურსებია, რომლითაც მათი ცხრილი სრულიად გადატვირთულია.

ამავდროულად, ისინი ამ საგნებს სოციალურ მეცნიერებებთან არადაპტირებული წიგნებით გადიან, რაც იმას ნიშნავს, რომ უნივერსიტეტში ეკონომისტიც და ჟურნალისტიც ერთი და იგივე ენიჭება დაწერილი წიგნით სწავლობს.

რეკტორი სტუდენტებს დაპირდა რომ სიტუაცია აუცილებლად შეიცვლება.

წამოიჭრა ლაბორატორიის პრობლემა. ჟურნალისტიკის ითხოვენ სამონტაჟო ლაბორატორიის პირველ კორპუსში მოწყობას, რადგან ამჟამად არსებულ ფართში არ არის პირობები ტექნიკისთვის. ოთახი არის აქტიური მზის სხივების ზეგავლენის ქვეშ, რაც დაზიანებს აპარატურას.

პრობლემების მოგვარებას შეგვირდნენ და იქვე კვირაში შეხვედრა დავთქვით.“

ჟურნალისტიკის მიმართულების ერთ-ერთმა ბაკალავრმა, ჩვენთან დღევანდელი შეხვედრა ასე შეაჯამა: „რეკტორმა ჩვენი ყველა მოთხოვნა თუ პრეტენზია

მოისმინა და პრობლემის მოგვარებას შეგვირდა. მასთან ბევრ საკითხზე ვისაუბრეთ, საგნებზე, რომლებსაც ვსწავლობთ და არ უნდა ვსწავლობდეთ, მოდულურ სტუდენტების არაკანონიერად გადაინაწილების შესახებ, დაპირებებზე, რომლებიც არ სრულდება და ასე შემდეგ. იმ შემთხვევაში თუ რეკტორი დროის გაყვანის მიზნით რამეს დაგვირდება და არ შეასრულებს, ჩვენ დავიწყებთ მშვილობიან საპროტესტო აქციებს.“

უნივერსიტეტის რეკტორმა გორგი ღვთაძემ კი განაცხადა, რომ სტუდენტების მხრიდან წამოსული დასაბუთებული არგუმენტების წარმოდგენის შემთხვევაში დააკმაყოფილებს მათ მოთხოვნებს.

სტუდენტების მოთხოვნების ლოგიკურობის შეფასება ვთხოვეთ ბიზნესის, სამართლის და სოციალურ მეცნიერებათა დეკანს აკაკი ბაკურაძეს:

„2011 წელს, როდესაც პროგრამებმა გაიარა აკრედიტაცია, ხარისხის მართვის სამსახურის მიერ წინასწარ იქნა მოკვლეული, თუ რამდენად შეძლებდა ამა თუ იმ სპეციალობის პროგრამა დამოუკიდებლად არსებობას. კვლევამ აჩვენა, რომ ჟურნალისტიკის პროგრამას არ შეეძლო დამოუკიდებლად არსებობა. ამი-

ტომ მოხდა შეთანხმება ამ მოდულების გაერთიანების შესახებ, ეს არ ყოფილა ვინმეს ცალსახა გადაწყვეტილება, ეს იყო ყველას აზრი, იმ კრიტიკული სიტუაციიდან გამოსასვლელია.

თუ ჟურნალისტიკის დეპარტამენტი მონდომებს ცალკე, დამოუკიდებლად გასვლას და ამ პროგრამის მომსახურე პერსონალი წარმოადგენს მათ მირ შემეშვევს პროგრამას, რომელიც დააკმაყოფილებს აკრედიტაციის ეროვნული ჩარჩოს სტანდარტებს, ჩვენგან ექნებათ სრული მხარდაჭერა.

საერთოდ, მინდა, გითხრათ, რომ ახალი პროგრამების აკრედიტაცია 2017 წლიდან დაიწყება, მანამდე ძველი პროგრამა რცება ძალაში.

რაც შეეხება ეკონომიკის სწავლებასთან გამოთქმულ პრეტენზიას — ჯერ ერთი, ეკონომიკა გალიერებულად არ ისწავლება.

გაგრძელება მე-2 გვერდზე



PS news.ge
ISSN 1987-7056
9 771 987 705004

სახალხო დამცველის აპარატი ქუთაისელ ჟურნალისტებზე განხორციელებულ ძალადობის ფაქტს სწავლობს

2016 წლის არჩევნებს თავის მანდატის ფარგლებში სახალხო დამცველის აპარატი აკვირდებოდა. როგორ ჩაიარა არჩევნების დღემ იმერეთის რეგიონში ამის შესახებ ვთხოვეთ სახალხო დამცველის იმერეთის, რაჭა-ლეჩხუმისა და ქვემო სვანეთის სამმართველოს უფროსს, ქალბატონ მადონა ბასილაძეს.



მადონა ბასილაძე

მან პირველად ჩვენი რედაქციისთვის სახალხო დამცველის აპარატის სახელით ოფიციალური განცხადება გააკეთა ჟურნალისტებზე განხორციელებულ ძალადობის ფაქტთან დაკავშირებით, რომელიც 90-ე უბანზე მოხდა.

– 2016 წლის საქართველოს საპარლამენტო არჩევნებზე, როგორც კენჭისყრის დღეს, ასევე, კენჭისყრამდე, წინასაარჩევნო პერიოდში, სახალხო დამცველის მანდატის ფარგლებში, იმერეთის რეგიონის 12 მუნიციპალიტეტში ვახორციელებდით მონიტორინგს, საამისოდ შექმნილი მობილური ჯგუფების მეშვეობით.

არსებულ N49 ქუთაისის საარჩევნო ოლქის N127 საარჩევნო უბანზე და აკადემიკოს ბ. ნანეიშვილის სახელობის ფსიქიკური განმრთვლობის ეროვნული ცენტრის N54 ხონისსარჩევნო ოლქის N30 საარჩევნო უბანზე.

პენიტენციურ და ფსიქიატრიულ დაწესებულებაში კენჭისყრის პროცესში მშვიდ ვითარებაში ჩაიარა და რაიმე ექსცესებს აღვლი არ ჰქონია. მშვიდ ვითარებაში მიმდინარეობდა კენჭისყრის პროცესი სხვა დანარჩენ სარჩევნო უბანებზეც.

თუმცა, აქვე აუცილებლად უნდა აღვნიშნო, ქუთაისის N90 საარჩევნო უბანზე კენჭისყრის დასრულების შემდეგ, ხმის დათვლის პროცესში, კენჭისყრის შენობის გარეთ, საარჩევნო უბნის მიმდებარე ტერიტორიაზე მომხდარი ფიზიკური დაპირისპირების შესახებ, რა დროსაც ჟურნალისტებზე საარჩევნო სუბიექტის მხარდაჭერების მიერ გამოყენებული იყო ფიზიკური ძალა, რაც მიუღებელია და დასაგმობია. ამ დროისთვის

სახალხო დამცველის თანამშრომლები სარჩევნო უბნის მიმდებარე ტერიტორიაზე იმყოფებოდნენ და ყველა მხარეს მოუწოდებდნენ, გაეცნობიერებინათ ამ პროცესის მშვიდ გარემოში ჩატარების მნიშვნელობა და სტაბილური გარემო შეენარჩუნებინათ. ჩვენ საკუთარი ინიციატივით დაიწვიეთ ამ ფაქტის შესწავლა.

ჩვენი მონიტორინგის მიერ არჩევნების დღეს ძირითადად გამოვლინდა საარჩევნო უბნის დაგვიანებით გახსნის, ცალკეულ უბანზე ჟურნალისტების დროულად დაშვების, საკონტროლო ფურცლის არასწორად შევსების, საარჩევნო უბანზე არაუღებამოსილი პირის ყოფნის, კომისიის საქმიანობაში დამკვირვებლის უხეში ჩარევის, საარჩევნო სუბიექტების მხრიდან ავტოციის შემთხვევები. მიმაჩნია, რომ ყველა დარღვევა ყურადსაღებია, თუმცა, ამ კონკრეტულ შემთხვევას არ შეუძლია გავლენა მოახდინოს არჩევნების შედეგებზე. ვფიქრობ, რომ დარღვევათა დიდი ნაწილი განპირობებული იყო საუბნო საარჩევნო კომისიის წევრთა არასაკმაო რისი მომზადებით.

– რა რეაგირებას მოახდენს სახალხო დამცველის აპარატი ჟურნალისტებზე განხორციელებულ ძალადობაზე? აისახება თუ არა ეს ფაქტი თქვენს ანგარიშში.

– როგორც უკვე აღვნიშნე, სახალხო დამცველის აპარატის იმერეთის, რაჭა-ლეჩხუმისა და ქვემო სვანეთის სამმართველოში ამ ფაქტის შესწავლა დაიწვიეთ. მნიშვნელოვანია, რომ გამოძიება მიმდინარეობს და ჩვენ აუცილებლად მივადევნებთ თავის მიმდინარე გამოძიებას, სახალხო დამცველის მანდატის ფარგლებში. არჩევნებთან დაკავშირებით სახალხო დამცველი ამზადებს სპეციალურ ანგარიშს, რომელშიც ყველა მნიშვნელოვანი დარღვევა და ფაქტი იქნება შესაბამისად ასახული.

ლიკა ღვებავაძე

მღუმარი აქცია ქუთაისში



„მოგვეციო მუშაობის საშუალება“, „თავისუფალი მედია შეზღუდვების გარეშე“, „არა აგრესიას ჟურნალისტებზე“, „მედია ზეწოლის გარეშე“, „პროფესიულ საქმიანობაში ხელის შეშლა დანაშაულია“ – ამ მოთხოვნებით ქუთაისის ცენტრალურ მოედანზე მღუმარი აქცია გაიმართა.

აქცია ქუთაისში მოქმედმა მედია საშუალებებისა და არასამთავრობო სექტორის წარმომადგენლებმა გაართეს.

მედიის წარმომადგენლებმა ამ ფორმით ქუთაისის 90 - ე უბანზე მომხდარი ძალადობა გააპროტესტეს.

ქუთაისის ცენტრის დროულ გამოძიებას და საჯაროდ ბოლოშის მოხდას ითხოვენ.

„არა აგრესიას ჟურნალისტებზე, სწორედ ამ მიზნით შემოგუერთდი აქცია. ვფიქრობ, რომ ფაქტს სხვა არასამთავრობო თემებიც უნდა გამოეხმაურონ, რადგან მეოთხე ხელისუფლებას თავისუფლად მუშაობის საშუალება მიეცეს.“ – გვითხრა გვანცა თოთაძემ (RICDOG-ის გენერალური მდივანი).

აქციის შესახებ კომენტარი გააკეთა ტელეკომპანია „იბერიის“ ჟურნალისტმა ლევან ფანცხავამ, რომელიც 8 ოქტომბერს შემთხვევის ადგილზე იმყოფებოდა:

„წლების წინაც მასხოვს, მსგავსი აქცია გვონდა ამ ადგილზე, სადაც დღეს ვდგავართ, სამწხაროდ, იგივე მოთხოვნით. მოგესხებნათ, 90-ე უბანზე განვითარებული მოვლენები არჩევნების დამეს.

კიდევ ერთხელ მოვუწოდებ ყველა მხარეს, არა ქვს მნიშვნელობა, ეს იქნება პოლიტიკური თუ სხვა მხარე, რომ, ბოლოს და ბოლოს, დაამთავრონ ჟურნალისტებზე ზეწოლა, გვაცალონ ნორმალური მუშაობა, რადგან ჩვენ ვართ ის ადამიანები, რომლებიც ყველა ადგილიდან, სადაც მნიშვნელოვანი ამბავი ხდება, საზოგადოებას ვაწვდით ინფორმაციას.“

შეგახსენებთ, 8 ოქტომბერს 90-ე საარჩევნო უბანზე ჟურნალისტების, სავარაუდოდ, ქართული ოცნების მხარდაჭერები და უპირისპირდნენ, რა დროსაც ტელეკომპანიების: GDS-ის და „იბერიის“ ტელეკამერებიდან იანდა. ფაქტიდან 6 დღე გავიდა, თუმცა ჯერ რეაგირება არავის მოუხდენია, მიუხედავად იმის, რომ ძალადობაში მონაწილე პირები ნაწილობრივ იდენტიფიცირებული არიან. საქმეზე მიმდინარეობს გამოძიება.

psnews.ge

რესპუბლიკელი ნატო ქათამაძე თავის ამომრჩევლებს: „მაზოხისტები ყოფილხართ და მე ველარაფერს გიშველით!“

რესპუბლიკელი მაჟორიტარობის კანდიდატი ნატო ქათამაძე სოციალურ ქსელში საჯარო პოსტს აქვეყნებს, სადაც ქალაქის მერიას "ნაციონალების" გამარჯვებას ულოცავს, ხოლო თავის ამომრჩევლებს დანაშაულებს ეუბნება: "მაზოხისტები ყოფილხართ და მე ველარაფერს გიშველით!"

გთავაზობთ სრულად მის სახალხო მიმართვას:

„ქუთაისის მერიას „ნაციონალების“ გამარჯვებას ულოცავს ნაციონალური მოძრაობის“ გამარჯვებას გილოცავთ ქ. ქუთაისის მერია (Shota Murgulia), საკრებულო (უმრავლესობის ყველა წევრს) და ქუთაისის „ქართული ოცნება“, თქვენ ყველაფერი გააკეთეთ იმისათვის, რომ ნაციონალები „გავცოცხლებინათ“...“

თქვენ, მთელი 4 თვე ხმალოდებული მებრძოლით მე საკრებულოს სხდომებსა თუ სხვადასხვა საჯარო სივრცეში ... გამიჩერეთ ყველა ინფორმაციული პროექტები, რომელიც ჩემს ოლქში იყო დაგეგმილი... მთელი ადმინისტრაციული რესურსი და „სახელმწიფო მანქანა“ გამოიყენეთ ჩემს წინააღმდეგ... კარგად იმუშავეთ ჩემს „ჩაიბრავზე“ და მიიღეთ



ნატო ქათამაძე

ის, რომ თავად ხართ ყველაზე ნეხვში ... გ(ი)ლოცავთ...“

ყოჩაღ, მასე გაავრძელებთ... და როცა, მე-2 ტურში, აკაკი ბობოხიძე მოვივებთ

მაჟორიტარულ არჩევნებს, აი მაშინ დაინახავს პარტია „ქართული ოცნება“ რა ბედოვალაა ადგილობრივი ხელი-სუფლუბა ჰყავს და ალბათ, მაშინ მაინც "მოგვიტეხნათ"...

ამჟამად არაფერს ვწერ ნაციონალებსა და ბობოხიძეზე, დასაწერი ბევრია, „მეშინია“ რამე არ „გამომჩიეს“ (9 წელი მათი ოპოზიცია ვიყავი, „გასახსენებელი“ ბევრი მაქვს) და ამის შესახებ შემდეგ... ახლა ერთს ვეტყვი ნაციონალებსა და აკაკი ბობოხიძეს: „მასე გაავრძელებთ“ ქუთაისელი „მეოცნებები“ მეტის ღირსები არიან...“

რაც შეეხება N48 ოლქის (გამარჯვება,

ძელქვიანი, უქიმიერიონი, გუმბათის) ამომრჩევლებს: --კარგად შეინახეთ, არჩევნების დროს ალბათ თანხები (რა მნიშვნელობა აქვს ვისგან აიღეთ), როცა მოგვივლდათ, შეგვიცვლდათ, სამართალს ვერსად ნახავთ, ხელისუფლების ლანდლას დაიწყებთ და ჩემთან მოხვალთ დასახმარებლად, მაშინ ვადმოიღეთ ვე ფული, შეათვალთ ირეთ და კვლავ შეინახეთ... 4 წელი უნდა "იკმაროთ" ... ხელისუფლების „გახსენება“ ხშირად მოგიწევთ... მაზოხისტები ყოფილხართ და მე ველარაფერს გიშველით...“

უნივერსიტეტის სტუდენტების პროტესტი ქუთაისში – „ქურნალისტიკა პროფესიანა და არა – მიმართულა“

პირველი გვერდიდან

მეორე, ეს სტუდენტები არ არიან ჟურნალისტიკის ბაკალავრები, ისინი არიან სოციალურ მეცნიერებათა ბაკალავრიის სტუდენტები, რომლებიც უშუალოდ ერთგვარად საზოგადოების სოციალურ მართვას. ამიტომ, აუცილებელია კია, რომ მათ ისწავლონ ისეთი საგნები, როგორცაა ეკონომიკა და სტატისტიკა.

შეგახსენებთ, ბოლო წლებში უნივერსიტეტში განხორციელებული სტრუქტურული ცვლილებების შემდეგ, ჟურნალისტიკის დეპარტამენტი,

როგორც დამოუკიდებელი ერთეული, გაუქმდა და სოციალურ მეცნიერებათა დეპარტამენტში საჯარო მმართველობასა და საერთაშორისო ურთიერთობებთან ერთ-ერთ მოდულად გაერთიანდა.

2012 წლის დასაწყისში ჟურნალისტიკის დეპარტამენტის მაშინდელი ხელმძღვანელი გია ქობალიანი ადმინისტრაციულიდან ჯერ აკადემიურ თანამდებობაზე გადაიყვანეს, შემდეგ კი პოლიტიკური ნიშნით კადემიურ მდებარეობაში გაუშვეს, დღეს ქობალიანი სოციალურ მეცნიერებათა დეპარტამენტს ხელმძღვანელობს.

საინტერესოა, რას ფიქრობენ ბატონი ვია და ჟურნალისტიკის დეპარტამენტში შემავალი სხვა პროფესორები ამ საკითხზე. ჩვენ ვაკვირდებით მოვლენების განვითარებას და მალე მათ კომენტარებსაც შემოგთავაზებთ.

გია ქობალიანი უნივერსიტეტის სტუდენტთა მოთხოვნებს გამოეხმაურა

აკაკი წერეთლის სახელმწიფო უნივერსიტეტის სოციალური მეცნიერებათა კოორდინატორი და ჟურნალისტიკის დეპარტამენტის ხელმძღვანელი ასოცირებული პროფესორი გია ქობალიანი

ასეთ კომენტარს აკეთებს:

„ნაწილობრივ გავცვიანი სტუდენტების მოთხოვნებს და მე აქ პრობლემას ვერ ვხედავ.“

2011 წლამდე მართლაც არსებობდა ჟურნალისტიკის დეპარტამენტი, როგორც დამოუკიდებელი ერთეული, მაგრამ ეს გაერთიანების ცვლილება არ ყოფილა უნივერსიტეტის და დეპარტამენტის სურვილით გატარებული, ეს უფრო ზემოდან გადაწყდა.

2017 წლის იანვრიდან დაიწყება ახალი აკრედიტაცია, ჩამოვა ახალი ფორმები და თუ დაეკმაოფილებთ

ამ სტანდარტებს, სასურველია, ჟურნალისტიკის დეპარტამენტი ცალკე ჩამოყალიბდეს.

ზოგადად, უნივერსიტეტი ისეთი ორგანიზაციაა, სადაც მთავარი ფიგურაა სტუდენტი, ამიტომ ლექტორებს და სტუდენტებს შორის უნდა იყოს სრული სინქრონიზაცია, ერთობა.

ჩვენ რადგან სასწავლო დაწესებულება გვქვია, ყოველთვის უნდა გავითვალისწინოთ სტუდენტების ინტერესები, რათა ისინი კარგ სპეციალისტებად ჩამოალიბდნენ.“

ლიკა ღვებავაძე

„ქართული ოცნება – დემოკრატიული საქართველო“ სა პიესით სწრაფ განვითარებას



კობა ნარეკაშვილი

„ქართული ოცნება – დემოკრატიული საქართველო“ მაჟორიტარობის კანდიდატი ქუთაისის 49-ე ოლქში



ლემიტირი მხეიძე

„ქართული ოცნება – დემოკრატიული საქართველო“ მაჟორიტარობის კანდიდატი ქუთაისის 48-ე ოლქში



გენადი მარბულაშვილი

„ქართული ოცნება – დემოკრატიული საქართველო“ მაჟორიტარობის კანდიდატი 47-ე ოლქში ქუთაისი, თერჯოლა

მოთხოვნილი გეგმები

- დავეხმარებით მცირე და საშუალო ბიზნესს, ხელს შევუწყობთ ახალი ინიციატივების განხორციელებასა და მოქმედ სახელმწიფო პროგრამებში ადგილობრივების მაქსიმალურ ჩართვას;
- მიმდინარეობს ქუთაისის წყალმომარაგების ქსელის მშენებლობის მეორე ფაზა, პროექტის ღირებულება 86 მლნ ლარია და მას აზიის განვითარების ბანკი აფინანსებს. პროექტი 2018 წელს დასრულდება და მასში 200 ადამიანი დასაქმებულია.
- ქუთაისში დაგეგმილია ქუთაისის წყალარინების სისტემების მოწესრიგება, მათ შორის, კანალიზაციის გამწვანების ნაგებობის მშენებლობა-რეაბილიტაცია. პროექტს ევროპის საინვესტიციო ბანკი და ევროკავშირი ახორციელებს და მისი ღირებულება 100 მლნ ლარია. პროექტის განხორციელების შედეგად ქუთაისის საკანალიზაციო სისტემა სრულად მოწესრიგდება – 2017 წელს დაიწყება და 2020 წელს დასრულდება.
- 2016 წლის ბოლომდე 228 დევნილი ოჯახი ბინები ახალაშენებულ კორპუსებში გადაეცემა; ჯამში, ქუთაისში 25 თექვსმეტსართულიანი კორპუსი აშენდება, რომლებშიც ბინებს 2 000 დევნილი ოჯახი მიიღებს. მათგან ორი კორპუსის მშენებლობა (160 ბინა) 2016 წლის სექტემბერში დასრულდება;
- შენდება ქუთაისის ახალი ცენტრალური არქივის შენობა;
- მალე დასრულდება წერეთლის ქუჩის მიმდებარედ მდ. რიონის ნაპირსამაგრი სამუშაოები;
- განვახორციელებთ საპენსიო რეფორმას, სახელმწიფო პროგრამის – „ცხოვრება გრძელდება“ ამოქმედებით, პენსიონერებს დასაქმების რეალურ შესაძლებლობებს მივცემთ;
- 2020 წელს საქართველოში C ჰეპატიტის პრობლემა სრულად აღმოიფხვრება;
- 2017 წლიდან სკოლის მასწავლებლის ხელფასი, საშუალოდ, 800 ლარი გახდება;
- ახალი სასკოლო პროგრამებისა და სახელმძღვანელოების დანერგვით, გავაუმჯობესებთ სწავლის ხარისხს, მეტად განვაავითარებთ სასკოლო ინფრასტრუქტურას; უკვე მზადაა 8 საჯარო სკოლის სრული და ნაწილობრივი რეაბილიტაციის პროექტები, რომლებიც მალე განხორციელდება;
- დაინერგება პროფესიული განათლების გერმანული მოდელი, გაჩნდება დასაქმების სათანადო შესაძლებლობა თითოეული კურსდამთავრებულისთვის;
- მოხდება 2013 წლის 1 იანვრამდე ჩადენილი საგადასახადო დანაშაულის სრული ამნისტია;
- წავახალისებთ ახალგაზრდულ ინიციატივებს, ვიზრუნებთ მოსახლეობაში ცხოვრების ჯანსაღი წესის დანერგვაზე.

მოთხოვნილი გეგმები

- ავამოქმედებთ ქუთაისის ტურისტულ პოტენციალს. მხარს დავუჭერთ ტურისტული ინფრასტრუქტურის განვითარებას. ხელს შევუწყობთ საოჯახო ტიპის სასტუმროების განვითარებას;
- დავაყენებთ მუნიციპალიტეტის სრული გაზიფიკირების საკითხს და ხელს შევუწყობთ სოფლებისთვის გაზის მიწოდების დაჩქარებას; დავასრულებთ გაზიფიკირებას;
- მოვაწესრიგებთ სანიაღვრე და წყალგაყვანილობის სისტემებს, რითაც ქალაქს დატბორვისა და დაბინძურებისგან დავიცავთ;
- დავნიშნავთ მუნიციპალურ ტრანსპორტს;
- ვიზრუნებთ არსებული საავადმყოფოს ბაზაზე რეგიონული სამედიცინო ცენტრის შექმნაზე;
- დაგეგმილია ქუთაისის წყალარინების სისტემის მოწესრიგება. პროექტის ღირებულება 100 მლნ ლარია. ქალაქის საკანალიზაციო სისტემა სრულად მოწესრიგდება;
- ქ. ქუთაისი წყალმომარაგების სისტემის მეორე ფაზა 2018 წელს დასრულდება და ქალაქი სრულად წყალუზრუნველყოფილი გახდება;
- ხელს შევუწყობთ ლუგვლას ხეობაში ტურიზმის განვითარებას;
- შევქმნით სასწრაფო სამედიცინო დახმარებისა და ჯანდაცვის ახალ ობიექტებს;
- განვახორციელებთ საპენსიო რეფორმას, სახელმწიფო პროგრამის – „ცხოვრება გრძელდება“ ამოქმედებით, პენსიონერებს დასაქმების რეალურ შესაძლებლობებს მივცემთ;
- 2020 წელს საქართველოში C ჰეპატიტის პრობლემა სრულად აღმოიფხვრება;
- 2017 წლიდან სკოლის მასწავლებლის ხელფასი, საშუალოდ, 800 ლარი გახდება;
- ახალი სასკოლო პროგრამებისა და სახელმძღვანელოების დანერგვით, გავაუმჯობესებთ სწავლის ხარისხს, მეტად განვაავითარებთ სასკოლო ინფრასტრუქტურას;
- დაინერგება პროფესიული განათლების გერმანული მოდელი, გაჩნდება დასაქმების სათანადო შესაძლებლობა თითოეული კურსდამთავრებულისთვის;
- წავახალისებთ ახალგაზრდულ ინიციატივებს, ვიზრუნებთ მოსახლეობაში ცხოვრების ჯანსაღი წესის დანერგვაზე;
- თვითმმართველობის მხრიდან ყველანაირი პირობა შეიქმნება კულტურული ცხოვრების განვითარებისთვის;
- მოხდება საქართველოს სრული ინტერნეტიზაცია.

მოთხოვნილი გეგმები

- დავეხმარებით მცირე და საშუალო ბიზნესს, ხელს შევუწყობთ ახალი ინიციატივების განხორციელებასა და მოქმედ სახელმწიფო პროგრამებში ადგილობრივების მაქსიმალურ ჩართვას;
- მოხდება მცირე ბიზნესის ხელშეწყობა, რეინვესტიციისა და საწარმოს ვაფართოების შემთხვევაში, მოგების გადასახადისგან გათავისუფლება;
- ქალაქის ინფრასტრუქტურის (გზა, წყალი, გაზი, ელ. ენერჯია) უმაღლეს დონეზე მოწესრიგება, რათა ქუთაისს, ამ უძველეს ქალაქს, XXI საუკუნეში ჰქონდეს საუკეთესო, გამართული კომუნალური მუშრუნობები;
- მიმდინარეობს ქუთაისის წყალმომარაგების ქსელის მშენებლობის მეორე ფაზა, პროექტის ღირებულება 86 მლნ ლარია და მას აზიის განვითარების ბანკი აფინანსებს. პროექტი 2018 წელს დასრულდება.
- ქუთაისში დაგეგმილია ქუთაისის წყალარინების სისტემების მოწესრიგება, მათ შორის, კანალიზაციის გამწვანების ნაგებობის მშენებლობა-რეაბილიტაცია. პროექტს ევროპის საინვესტიციო ბანკი და ევროკავშირი ახორციელებს და მისი ღირებულება 100 მლნ ლარია. პროექტის განხორციელების შედეგად, ქუთაისის საკანალიზაციო სისტემა სრულად მოწესრიგდება. იგი 2017 წელს დაიწყება და 2020 წელს დასრულდება;
- გავრძელებთ საყოველთაო ჯანდაცვის პროგრამა და თითოეული ოჯახი სამედიცინო მომსახურებით სრულად დაკმაყოფილებულია;
- 2020 წელს საქართველოში C ჰეპატიტის პრობლემა სრულად აღმოიფხვრება;
- სახელმწიფო პროგრამის – „ცხოვრება გრძელდება“ ამოქმედებით, პენსიონერებს დასაქმების რეალურ შესაძლებლობებს მივცემთ;
- 2017 წლიდან სკოლის მასწავლებლის ხელფასი, საშუალოდ, 800 ლარი გახდება;
- ახალი სასკოლო პროგრამებისა და სახელმძღვანელოების დანერგვით, გავაუმჯობესებთ სწავლის ხარისხს, მეტად განვაავითარებთ სასკოლო ინფრასტრუქტურას; უკვე მზადაა 8 საჯარო სკოლის სრული და ნაწილობრივი რეაბილიტაციის პროექტები, რომლებიც მალე განხორციელდება;
- ქუთაისში დაფუძნდება და აშენდება ახალი ულტრათანამედროვე ტექნოლოგიური უნივერსიტეტი;
- განვაავითარებთ ტურიზმს, შევქმნით მაღალი კლასის სასტუმროების ქსელს და გავაფართოვებთ ტურისტულ ინფრასტრუქტურას;
- 2016 წლის ბოლომდე 228 დევნილი ოჯახი ბინები ახალაშენებულ კორპუსებში გადაეცემა; საერთო ჯამში, ქუთაისში 25 თექვსმეტსართულიანი კორპუსი აშენდება, რომლებშიც ბინებს 2000 დევნილი ოჯახი მიიღებს. მათგან ორი კორპუსის მშენებლობა (160 ბინა) 2016 წლის ბოლოს დასრულდება;
- მოხდება 2013 წლის 1 იანვრამდე ჩადენილი საგადასახადო დანაშაულის სრული ამნისტია;
- მოხდება საქართველოს სრული ინტერნეტიზაცია;
- წავახალისებთ ახალგაზრდულ ინიციატივებს, ვიზრუნებთ მოსახლეობაში ცხოვრების ჯანსაღი წესის დანერგვაზე.

გიორგი სამანიშვილი: „როგორც კალიან მოწესრიგებულად და მხოლოდ ვითარებაში ჩაიარა“ როგელი-2016 დასასრულს უახლოვდება

საქართველოში ნამდვილი ოქროსფერი შემოდგომა... უკვე ღვინობისთვეა, როგელის სეზონი კარგა ხანია, შუაწელს გადასცდა და დასასრულისკენ მიდის. ამიტომ შეგვიადნო, თვალი გადაგვევლო როგელის მიმდინარეობისათვის და ღვინის ეროვნული სააგენტოს თავმჯდომარესთან, ბატონ გიორგი სამანიშვილთან ერთად, შეგვეჯამებინა იგი.

კახეთში, როგორც ყოველთვის, ყურძნის კრეფა ჯერ კიდევ აგვისტოს ბოლოს დაიწყო. საყოორდინაციო შტაბი ტრადიციულად, წელსაც თელავში იყო და 24 საათიან რეჟიმში მუშაობდა. მას ღვინის ეროვნული სააგენტოს ხელმძღვანელი, ბატონი გიორგი სამანიშვილი ხელმძღვანელობდა.

როგორც ბატონმა გიორგიმ გვითხრა, კახეთის რეგიონში 110 ათასი ტონა ყურძენი გადაამუშავდა. აქედან 63,5 ათასი ტონა რქაწითელი, 40,4 ათასი ტონა საფერავი, 2,9 ათასი ტონა კახური მწვანე, დანარჩენი კი სხვადასხვა ჯიშის ყურძენია. ყურძნის გადაამუშავების პროცესში ჩართული იყო 30 ღვინის კომპანია, მათ შორის, სახელმწიფოს მიერ დაქირავებული 3 საწარმო და 27 კერძო ღვინის კომპანია. მათ მთლიანობაში, ყურძენი ჩააბარა 17 ათასზე მეტმა მევენახემ, რომელთაც ყურძნის რეალიზაციის შედეგად შემოსავლების სახით 95,6 მლნ ლარი მიიღეს.

„საქართველოს მთავრობის გადაწყვეტილებით, სუბსიდირების სისტემა წელსაც იგივე დარჩა, გაცივდა პირდაპირ მევენახეებზე, ხოლო შემდეგ ისინი თავად აწარმოებდნენ მოლაპარაკებებს მათთვის სასურველ

ღვინის მარნებთან ფასზე, გადახდის პირობებსა თუ ვადებზე“ - აღნიშნა გიორგი სამანიშვილი.

სუბსიდირება კი წელს ასეთი იყო: **კახეთის რეგიონი** - 1 კგ. რქაწითელი - 0,45 ლარი; 1 კგ. კახური მწვანე - 0,45 ლარი; 1 კგ. საფერავი - 0,20 ლარი; **რაჭა-ლეჩხუმისა და ქვემო-სვანეთის რეგიონი** - მუჭურეთული/ალექსანდროული - 2 ლარი.

როგელი ამჟამად დასრულების ფაზაშია რაჭაშიც. ბოლო მონაცემებით, აქ გადაამუშავებულია 257 075 კგ ყურძენი, მათ შორის, „სახვანჭკარე“ ჯიშები ალექსანდროული და მუჭურეთული - 255 323 კგ. გადაამუშავებულია ასევე ძელშავის ჯიშის ყურძენი - 1752 კგ.

მევენახეებს 20 ღვინის კომპანია ემსახურებათ, მათ შორის, 1 სახელმწიფო კომპანიაა, ხოლო დანარჩენი - კერძო კომპანიები. გახსნილი იყო ყურძნის მიღები 6 ბუნქტი - 3 ქალაქ ამბროლაურში და 3 სოფლებში: ტრებალო, ბუგეული და ხვანჭკარა. როგელის საყოორდინაციო შტაბს რაჭა-ლეჩხუმის რეგიონშიც, კახეთის ანალოგიურად, ღვინის ეროვნული სააგენტოს თავმჯდომარე გიორგი სამანიშვილი ხელმძღვანელობს. რაჭის შემდეგ როგელი ლეჩხუმში



გიორგი სამანიშვილი

გაგრძელდება და სულ მალე უსახელაურიც დაიწყო...

„მინც როგორი იყო წლებიანდელი, შეიძლება ითქვას, რვაათასმეტყვისმეტი როგელი საქართველოში? რით იყო უკეთესი ან უარესი წინა წელთან შედარებით? — ამ ერთგვარ შემაჯამებელ კითხვაზე ბატონი გიორგი სამანიშვილი გვაპასუხობს:

„წელს რაოდენობრივად, შარშანდელთან შედარებით ნაკლები ყურძენი გადაამუშავდა. გახსოვთ ალბათ, რომ წელს კლიმატური პირობები ვახსოვს საკმაოდ არახელსაყრელი იყო, ბევრი წვიმიანი ამინდი გვქონდა, ამიტომ ყურძნის ხარისხობრივი



კუთხით, მოსავალი ყველგან მთლად კარგი ვერ გამოვიდა, თუმცა მევენახეთა ღირებულება მოახერხა, დაავადებებისგან აცილებინა ვაზი და საუკეთესო მოსავალიც მიიღო.

თვითონ როგელის მიმდინარეობის პროცესშიც ძალიან მოწესრიგებულად და მშვიდ ვითარებაში ჩაიარა. სოფლის მეურნეობის სამინისტროს მიერ საუკეთესოდ იყო ორგანიზებული ყველა ღონისძიებასაც, რიგებიც კი არ ყოფილა არსად, ფაქტობრივად, ასევე აღსანიშნავია, რომ გასული წლების მსგავსად, ჩაბარებული ყურძენი სპეციალური კომპიუტერული პროგრამის მეშვეობით ერთიან ელექ-

ტრონულ ბაზაში აღირიცხება და ნებისმიერ მსურველს განახლებული ინფორმაციის ნახვა ონლაინ რეჟიმში ღვინის ეროვნული სააგენტოს ინტერნეტ-გვერდებზე: www.georgianwine.gov.ge, www.rveli2016.gov.ge შეუძლია. დაინტერესებული პირებისთვის აქტიურად მუშაობს სოფლის მეურნეობის სამინისტროს ცხელი ხაზიც - 1501.

„შეიძლება ითქვას, რომ როგელი-2016 ერთერთი წარმატებული, კარგად ორგანიზებული როგელი იყო.“

ნათო გუგუაძე

მესხიშვილის თეატრმა სეზონი და მცირე სცენა გახსნა

ლადო მესხიშვილის სახელობის თეატრში 2016-2017 წლის სეზონი პრემიერით გაიხსნა. სპექტაკლი დაიდგა მატეი ვიშნეის პიესის მიხედვით — „რა ვუყოთ ამ გიოლონჩელოს“ (Perpetuum Mobile), უჩვეულო იგავი ერთ მოქმედებად. სპექტაკლი დაიდგა რეჟისორმა გიორგი თავაძემ, მასში მონაწილეობდნენ მესხიშვილის თეატრის გამორჩეული მსახიობები: მარიკა სამანიშვილი, გიორგი შალამბერიძე, თენგიზ ჯავახიძე და გიორგი ქართველიშვილი. სპექტაკლში გამოყენებული იყო ბახისა და ვივალდის მუსიკალური კომპოზიციები, მაყურებელთა ნაწილი სცენაზე მიჯდა, რაც დასწრების ეფექტსა და ემოციებს კიდევ უფრო ამძაფრებდა.



სანა სეპატაქლიდან „რა ვუყოთ ამ გიოლონჩელოს“

რო მხარდაჭერისათვის, მათი თანადგომა ძალიან მნიშვნელოვანია მსახიობებისთვის, რათა მათ შექმნან ხელოვნების ნაწარმოებები.“

„შთაბეჭდილებების გაზიარება ვთხოვეთ სპექტაკლში მონაწილე ერთერთ მსახიობს, გიორგი შალამბერიძეს: „ყოველთვის მნიშვნელოვანია, როდესაც ქართულ სცენაზე შემოდის თანამედროვე დრამატურგიული ნაწარმოები. მატეი ვიშნეი ძალიან საინტერესო დრამატურგია და ლიტერატურაც ასეთივე აქვს. რეჟისორ გიორგი თავაძესთან მუშაობა განსაკუთრებით საინტერესო იყო, რადგან მას აქვს განსხვავებული ხელწერა და მსახიობებთან მუშაობის სტრატეგია. ჩემს კოლეგებთან მუშაობაც თავისთავად სასიამოვნო იყო. ჩვენ არაერთ სპექტაკლში ვყოფილვართ პარტნიორები. რამდენად კარგად მოვიტანეთ ეს სპექტაკლი თქვენამდე, ეს უკვე მაყურებლის გადასაწყვეტი და შესაფა-

სებელია. როგორც ჩემთვის ცნობილია, ქალაქი კიდევ ორი პრემიერა და ზოგადად ძალიან საინტერესო სეზონი ელოდება.“

მესხიშვილის თეატრში განახლებული მცირე სცენა გაიხსნა სპექტაკლი „დუბლეტი“

„თავისუფლება ის ფასიანობაა, რომელიც მსხვერპლის ფასად მოიპოვება“ - ეს ფრაზა რეჟერნად გასდევდა კოტე აბაშიძის მიერ ქუთაისში დადგმულ სპექტაკლს „დუბლეტი“, რომელიც პიესების: - გ. პავლის „აუღენცია“ და პ. პინტერის „წასვლამდე“ - სინთეზით შეიქმნა.

როგორც რეჟისორი ამბობს, ამ ორი მსოფლიო მნიშვნელობის ავტორის პიესას სიუჟეტურად კავშირი არ აქვს, თუმცა, იდეურად და კონცეპტუალურად კვეთენ ერთმანეთს. ორივე პიესა გმობს ძალადობას, ადამიანის ღირსებისა და



სანა სეპატაქლიდან „დუბლეტი“

თავისუფლების შელახვას, როგორც პროგრესისაკენ მიმართულ მისწრაფებას, როგორც აბსურდამდე მისულ კატაკლიზმს.

სპექტაკლში მონაწილეობდნენ მსახიობები: დავით როინიშვილი, ზვიად სვანაძე და ელზა სულაძე.

„ნებისმიერი სირთულე, პრობლემა იბადება ჩვენში. პირველ მოქმედებაში დამდებული სისუსტეები და კომპრომისები მეორე ნაწილში იჩენს თავს და ბადებს დიქტატორულ სისასტიკეს.“ - განაცხადა რეჟისორმა კოტე აბაშიძემ.

თავისი პერსონაჟის მთავარი სათქმელის გადმოცემა ვთხოვეთ სპექტაკლში მონაწილე ერთადერთ ქალს, რომელიც ტრაგიკულ პერსონაჟს განასახიერებს. „მე ვთამაშობ ქალს, რომელიც ოჯახის კეთილდღეობისა და სამშობლოსთვის თავდადებული. ის ყველაფერს აკეთებს, საკუთარი ღირსების შესანარჩუნებლად, მაგრამ როცა საქმე ვიწესებს, აქ უკვე

ყველაფერზე მიდის. ეს არის ღირსეული ქალის სათქმელი, რომლის ყველაზე დიდი სიძლიერე და სისუსტეც დედობაა,“ — ელზა სულაძე.

შეგახსენებთ, მესხიშვილის თეატრში მცირე სცენა და თეატრის საექსპოზიციო დარბაზი, სადაც ეწყობა ცნობილი მოღვაწეების ნახატებისა და ნივთების ჩვენება (ერთერთი მნიშვნელოვანი ექსპონანტია კოტე მარჯანიშვილის სამუშაო მაგიდა), 2008 წელს გაიხსნა. მცირე სცენაზე სულ დადგმულია 9 სპექტაკლის პრემიერა, ასევე, სისტემატურად ეწყობა შემოქმედებითი საღამოები.

მცირე სცენის გახსნიდან 8 წლის მერე ის პირველად შეკეთდა, განაახლეს ინფრასტრუქტურა.

მცირე სცენამ თავისი მაყურებელი უკვე შეიძინა და მას სამომავლოდაც მრავალი საინტერესო გეგმა უკავშირდება.

ლიკა დავლარიანი



მთავარი რედაქტორი: ნატო გუბელაძე

დიზაინი: ირმა ბახუტაშვილი

გაზეთი ხელმძღვანელობს თავისუფალი პრესის პრინციპებით. არ გამოხატავს არცერთ პოლიტიკური პარტიის ინტერესებს. ავტორთა მოსაზრება შეიძლება, არ ემთხვეოდეს რედაქციისას. — ნიშნით აღნიშნულია სტატია, რომელიც განთავსებულია სარეკლამო ფართზე

გამომცემელი — შპს „P.S.“ („პოსტსკრიპტუმი“). ქუთაისის სასამართლოს რეგისტრაცია №5/3-1401 გაზეთ „P.S.“-ის კლასიფიკაციის კოდი: UDC (უაქ) 3+32] (479.22) (054) პ - 658 P - 86

მისამართი: ქუთაისი, რუსთაველის გამზირი №37. პრესის სახლი. • (032) 2 422 470, (0 431) 24-45-46. • psnews27@gmail.com • www.psnews.ge